

Sakspapir

Saksnr	Utvalg	Type	Dato
140/21	Formannskapet	PS	06.12.2021
096/21	Kommunestyret	PS	16.12.2021

Saksbehandler	Arkiv	ArkivsakID
Bjørnar Fjellhaug	FE-231	21/1285

Gebyr- og betalingssatsar 2022

Framlegg til vedtak:

Austrheim kommunestyre vedtek gebyr- og betalingssatsar for 2022 slik den ligg føre i [Gebyrliste \(framsikt.net\)](#).

Formannskapet - 140/21 - 06.12.2021

FS - behandling:

Kommunedirektør Bjørnar Fjellhaug orienterte om saka.
Kommunedirektøren sitt framlegg til vedtak vart samrøyses vedteke

FS - vedtak:

Austrheim kommunestyre vedtek gebyr- og betalingssatsar for 2022 slik den ligg føre i [Gebyrliste \(framsikt.net\)](#).

Kommunestyret - 096/21 - 16.12.2021

KS - behandling:

Kommunedirektør Bjørnar Fjellhaug orienterte om saka:

- Det er vedteke i statsbudsjettet at det gradvis skal innførast gratis SFO for førsteklassingar, dette vil starta i 2022.
- Det skal også vera lågare eigendel for SFO for dei med låg inntekt.
- Gebyr for slam må aukast no, det har ikkje har vore auka dei siste åra. Det er ein ganske stor auke no på 40 prosent, både for årleg tømning og annakvart år.

- Feiegebyret aukar 20 prosent, her er det ei endring på grunn av at fritidsbustader skal ha feiing. Einingsleiar teknisk drift, Rolf Henning Myrmel, sa at det vil ta litt tid å finna rett kostnadsnivå no som hytter skal ha denne tenesta, og for ein del hytter må feiaren ut i båt. Det er også strengare krav til HMS for feiarane, det gjer at kostnadene går opp.

Per Lerøy (Ap) spurte om slamtømming har vore subsidiert, Myrmel svara at det stemmer.

Reidar Øksnes (Sp) sa at det er viktig at folk veit kor ofte dei må tømme slam, det er rimelegare om det er godt nok å tømme sjeldan. Det vart presisert frå administrasjonen at tømming kvart 4. år berre er for fritidsbustader.

Handsaming i kommunestyret

Samrøystes for formannskapet sitt framlegg til vedtak.

KS - vedtak:

Austrheim kommunestyre vedtek gebyr- og betalingssatsar for 2022 slik den ligg føre i [Gebyrliste \(framsikt.net\)](#).

Saksopplysninger:

Bakgrunn

Kommunestyret skal vedta gebyr- og betalingssatsar for 2022.

Tidlegare har desse vore splitta i eigne saker, men i år samlar vi alle gebyr- og betalingssatsane i ei sak, utanom lokal forskrift om gebyr for tekniske forvaltningsteneste 2022. Denne ligg føre i eiga sak og du finn den her: [GEBYRREGULATIV \(sing.no\)](#)

Betalingssatsane gjeld omsorg og oppvekst, samt gebyr for slam, renovasjon, avlaup, feieavgift og vassavgift.

Framlegg til gebyr og betalingssatsane for 2022 er publisert i framsikt og du finn dei her: [Gebyrliste \(framsikt.net\)](#)

Makspris for barnehagane er stadfesta i statsbudsjettet. Regjeringa legg opp til ein reduksjon i barnehagesatsane og vil vere gjeldande frå 01.08.2022. Gjeldande satsar for 2021 gjeld fram til ny sats trer i kraft 01.08.2022.

Det er i statsbudsjettet innstilt på å gje gratis plass og kjernetid (12 timar) i SFO for 1.klassingane. Kommunedirektøren har lagt opp til ei minimal auke SFO-prisane for 2022.

Avgiftene for slam har over tid vore lågt budsjettet. Ein legg difor opp til ei auke på 40 % for 2022. Feieavgiftene har ei lita auke, medan vassavgift og avlaupsavgiftene er uendra. Renovasjonsavgiftene er i tråd med tilråding frå NGIR si generalforsamling.

Betalingssatsane innan helse og omsorg er i tråd med prisvekst.

Konklusjon

Gebyr- og betalingssatsar for 2022 vert vedteken i tråd med framlegg frå kommunedirektøren.